



Meland kommune

Hanne Espe
Hordaland fylkeskommune
Kultur- og idrettsavdelinga
5020 BERGEN

Referanser:
Dykkar:
Vår: 15/2336 - 15/18561

Saksbehandlar:
Eirik Bouwer Utne
eirik.utne@meland.kommune.no

12.10.2015

Meland sin kandidat i kåringa av Hordaland sitt mest attraktive friluftsområde



Utsikt frå Håøytoppen mot Knarvik og Osterøy

Postadresse

postmottak@meland.kommune.no
Postboks 79, 5906 Frekhaug
Besøksadr: Havnevegen 41 A
5918 Frekhaug

Kontakt

www.meland.kommune.no
Telefon +47 56 17 10 00
Telefaks +47 56 17 10 01

Konto 1503 18 83722
Org.nr. 951 549 770


Kartinfo: www.nordhordlandskart.no

Utval for levekår kåra i møte den 8.9 Håøya som Meland sin kandidat i kampen om Hordaland sitt mest attraktive friluftsområde.


Utvalet la vekt på at Håøya oppfylte krava på best måte, både med tanke på plassering sentralt i regionen, innhald, tilrettelegging og tilkomst både frå sjø og land.

Lokalisering:

Håøya er eit tilegare festningsanlegg ved nordenden av Flatøy, der Nordhordlandsbrua bind saman regionen med Bergen. Flatøy og Håøya ligg midt mellom kommunesentruma Knarvik og Frekhaug i høvesvis Lindås og Meland kommunar. Håøya er slik moglegvis regionen sitt mest sentralt plasserte friluftsområde.



Full kontroll mot nord og Alversund



Det er flotte gangveggar i området

Brukargrupper – nærmiljøet:

Kring 10 000 innbyggjarar i tettstadsområdet Frekhaug- Knarvik. Barnehagar i begge kommunar, skuleelevar frå 1-10 trinn og ikkje minst Knarvik Vgs. Nordhordland folkehøgskule er òg ein viktig brukar. Det er svært mange barnefamiliar i området.



Kven kunne ikkje tenke seg å slå opp teltet her?



Brukargrupper – regionen:

Kommunane Meland, Lindås, Radøy og Austrheim har til saman i overkant av 31 000 innbyggjarar. I tillegg er Håøya eit populært alternativ hos mange i Åsane bydel.

Grad av tilrettelegging:

Turstien frå Flatøy er oppgradert med fine klopper og trapper og er merka etter standarden til Turskiltprosjektet. Det er flott gangveg frå sjøen og opp til toppen på 183 m.o.h. I friområdet ved sjøen er det fortøyingsboltar og –bøye, brygge for småbåtar og hovudkai med leidarar for om bord- og ilandstiging. Det er òg toalett, fast grill og bord og benk ved kaien. Håøya si historie strekk seg tilbake til mellomalderen og er ein flott plass for formidling og kulturhistoriske opplevingar. Det er mellom anna ei informasjonstavle som syner plassering av kulturminne og historia til festninga. Det er stor plen med gode forhold for telting i tillegg til at naustet kan nyttast som skjul ved dårleg vær.



Det er lett å ta seg fram i området

Tilkomst til friområdet:

Merka svært god tursti frå E39/Flatøy. Med båt eller kajakk inn Flatøyosen.

Høve for aktivitetar:

Mosjon, rekreasjon og trening. Mykje nytta av barnehagar, skular og speidarar til utflukt, overnatting og formidling. Godt lagt til rette for padlarar og ein naturleg plass å overnatte nord for Bergen. Nordhordland padleklubb ligg i nærleiken med mykje aktivitet i Flatøyosen, eit av svært få område i regionen med flatt vatn som eignar seg for lågterskeltilbod for nybegynnarar og inkludering av grupper med særlege behov. Er svært mykje nytta av barnefamiliar som eit godt turmål med god lengde og forhold uavhengig av alder. Det er fleire gode fiskeplassar i området.



Her kan du legge til med båt og kajakk, fiske og leike.

Natur og kulturhistoriske opplevingskvaliteter:

Håøya si historie spenner seg frå steinalderen til moderne tid. I eidet mellom Midtmarka og Håøy er det funne spor etter busetting og virke i steinalderen. Håøya er nemnd i sagaen som ein stad for strid i borgarkrigane på slutten av 1100-talet og har vore vardefjell i lang tid. I nyare tid vart Håøya skilt ut frå Flatøy med eigen gardsdrift fram til festninga vart etablert. Festninga er svært omfattande og står i samband med anlegga ved Hagelsundet, Smineset og den tidlegare flystasjonen, som hadde ansvar for kyststripa frå Jæren til Nord-Trøndelag. Her var det òg kampar i 1940. Det er svært mange spor frå denne tida: grunnar etter infanteriforlegninga, plattformar for kanonar, skytestillingar, bunkarar, vegsystem, kommandantbustad og ikkje minst eldre beitelandskap. Det er flott skog og mykje fugleliv på øya, der du kan sjå restane etter den tidlegare gardsdrifta og lynghei, sjølv om det gror til her òg.

Vi håpar at Håøya stiller godt i kåringa om Hordaland sitt mest attraktivt friluftsområde. Vi er svært stolte av området her i kommunen og håpar på mange gode år for bruken av øya. Dersom vi vinn kr 30 000 vil vi bruke det på ei kulturhistorisk formidlingspakke om steinalderen for barnehagar og skuleelevar i småtrinnet, basert på dei store utgravingane som er gjort i området.



Med helsing

Eirik Bouwer Utne
kulturkonsulent

Dokumentet er elektronisk godkjent og har difor ingen signatur.

Vedlegg:

Friluftslivets år 2015 - kåring av Hordaland sitt mest attraktive friluftsområde (75805)

Mottakere:
Hanne Espe

Hordaland
fylkeskommune

5020

BERGEN